



古來賢人君子有功德於民其生而存也則景行而則倣之即不幸而歿也哉嗟歎而詠歌之自三代而下垂諸史策者比比而有茲惟吾潛菴湯夫子道高德厚過化存神固所稱有功德於民者也自山頽木壞而後天下之人靡不含哀茹歎如喪考妣吳中爲夫子駐節之地風雅之士歌詠盛德而悼痛淪亡者篇什尤多廷燦既編輯遺書付之剞劂凡於吾夫子有所關涉不拘頌言輓章罔不擷採搜羅附於文集之後所以明吾夫子深仁厚澤入人之深且以見吳中人士愛戴之誠不爲溢美之辭而悉言夫踐履之實俾後之閱者咸知觀感而興起其於世道人心補益殊非淺鮮昔史稱荀叔慈歿學士製誄者二十有六人以今視昔不更有光哉第隨到隨刻編次無敘惟望先輩達尊諒而恕之幸甚

錢塘門人王廷燦拜識

輓詩

至睢州謁 湯潛菴先生祠堂

徐 鈞 雷發

大道已榛蕪講學恒拘迂偉哉湯先生雪苑之醇
儒蚤射金閨策讀盡中秘書許身於稷契致 主
期唐虞馭歷外臺久歸卧松陽廬蘇門孫夫子六
經勤菑畚先生往從之沿伊而溯朱學貫天人際
品超姚許餘繪川築書院弦誦惜居諸遺榮謝簪
紱優 詔復敦趨載拜履彤墀給札領石渠才識
冠三長班馬為前驅不久直經筵啟沃紹都俞撫

輓詩

綏迄三吳中孚感豚魚喁喁遍窮壤化與三代俱
惟能本經術澤遠被海隅俄焉晉宮詹輔導翊
皇儲稽古桓榮並後學甘盤如自蒙宣室召駭機
踵前途履險而習坎寧肯效嘯嚆抗論益蹇蹇進
退猶于于 天王固聖明始終鑒臣愚哲人已云
萎正氣猶傷歎嗟彼訓狐鳥兩眼張睢盱聚鬼興
徵妖震熠驚天衢陽烏倏相照僥倖仍須臾曷若
公精靈千載恒不渝予本漁樵侶曾接公襟裾抽
簡蘭臺側執轡時相於自愧真不才廿載賦歸與
俛仰瞻俎豆髣髴奉盤盂西州涕洟深策馬為躊

躋

輓 湯夫子八首

門人王廷燦似齋

不意光芒失宿雲，西風一慟淚沄沄。
陳情有表思慈母，封禪無書答聖君。
人望久期占夢卜，天心何故喪斯文。
六年函丈承恩切，築室松楸念祇殷。
瀛州領袖藥珠仙，出守淮陽治行傳。
二陝功成推鷺鷥，千秋志在薄貂蟬。
直將濂洛真儒續，不獨關西夫子賢。
白鹿至今留講席，西門投策淚如泉。
生平小技薄雕蟲，翻以長楊賦薦雄。
雅擅三長傳史筆，起衰八代仰宗風。
丹書初命龍署，講幄仍

輓詩

二

兼白虎通，簪筆石渠如佩印，馬遷倘在更誰工。

儒臣暫借撫瘡痍，駐節吳中恰一期。
學道愛人殊不易，改弦鼓瑟復何疑。
虎丘歌舞停春舫，茂苑淫昏斥夜祠。
况是新租蠲去後，至今淚墮岷山碑。
一生孤介絕人援，何意歌謠徹帝闈。
少海光搖開講幄，九重眷重動文轅。
名尊鄧禹因時詔，坐寵程頤以道掄。
身到玉樓還進秩，寸棺坏土總君恩。
悲秋意在言外

事業范韓真足數，勲名周召可相於。
宮中求諫時方切，殿上危言衆不如。
共慶朝宗歌底績，豈今吾

詩詞怨而不怒得風人之體

道笑迂踈。都俞正際。明良盛寧。必遺言效。史魚
一年九轉。被殊恩。更以清名動。至尊。梁有懸魚
慚吏。魏坐常息。燭撤官燔。公私所寄。惟經術清白
還留。到子孫。死後不須來。大鳥親揮。琬琰慰忠魂。
感舊彭宣。不自持。青衫落拓。淚如絲。未成國士羞
言報。不遇名賢。恥受知。地厚天高。懷至德。讀書稽
古慰前期。可憐隔歲。闔門路。拜手終成。生死悲。

湯先生輓詞

年家子范

濬陶山

睢州先生世大儒。正己化物治化數。至今吳民懷
舊德。明禋俎豆情。飲愉先生之學宗。閩洛息邪斥。

輓詩

三

偽劓屢株少登侍。從著聲譽褒忠志。紹良史孤既
典大藩。歷秦粵。詰奸禁暴。民僕蘇。設施未竟。拂衣
去。盲甘養志。婦休平。素食里閭。二十載。蘇門講學
探驪珠。師錫宏材膺。

帝簡紬書再上承明廬

講筵敷陳盡忠悃。羅珍宛委澄冰壺。超遷賚予隆
眷。注往哉。俾乂來三吳。習俗豪侈困。凋瘵燠休痛
疾。還其初。為政簡靜。若飲醇至誠。下感豚魚。孚吳
民。苦承勝國賦。不憚請命。蠲逋租。晉秩卿尹。方嚮
用。讒言指摘交相誣。羣飛刺天。荷明聖。忽告起。

命矣夫吁嗟吳民失怙恃聞赴老幼爭號呼祠堂
綽擗久彌光先生正氣充寰區嗟彼讒人旋被譴
瞬息數日當天衢憶昔荒祠佩明訓名賢振古道
自符先生既喪失模楷遺文把讀哀只且撫捨生
平陳敝帚高山仰止微誠摯

康熙癸未 似翁老父臺爲

睢州湯大中丞建坊胥門作歌紀美

長洲顧嗣立 俠君

睢州中丞一代儒福星照耀來三吳謳歌如新二
十載功德勒石臨通衢念公挺生在德里中原文

輓詩

四

物稱名區夏峯負笈得窵與淵源直欲追程朱玉
堂篇翰乃餘事乾清奏對相交孚 特命儒臣擁
節鉞闔閭城內來分符敦本務實正風俗諄諄訓
誠垂良謨浮誇粉飾所不尚游民奸暴爭逃逋水
花無憀六月靜治平秋雨烟糝糊頓令繁華游俠
窟熙熙皞皞歌唐虞又聞吳俗喜事鬼五通作祟
憑妖巫肉山酒海變勝地金錢費擲驚癡愚公曰
此事甚荒誕穢迹豈可留斯須木者付火土投水
邪氛一掃山形癯更憐蘇松財賦重敷陳入奏蠲
浮租

聖心如傷動惻怛 青宮被命朝門趨攀轅頓足
集老幼號啕慟哭聲呱呱白公隄畔多祠宇雕楹
画棟胡為乎列諸學宮輝俎豆文學政事開生徒
懷題日久漸漫漶恩澤猶自淪肌膚近逢賢宰此
踵武門牆勵志思規撫伐山採石樹坊表經營不
日爭投輪清風粼粼動碧浪胥江一掬天然圖我
公精誠在天地感格初不遺一夫我公功德被四
海惠愛幸得專我蘇我公文章傳萬世同時亦許
窮精粗凌轡坤乾擁山岳磨刮日月縣衡壺小子
生晚沐雅化敢以蠹見量江湖聊採公論咏芳躅

輓詩

五

告萬萬古言非誣

恭輓 湯潛菴先生四十韻

桐溪後學周旦齡

漢紹

哲人久淪亡大道長晦蝕先生起洛下仔有實有
力巖巖孫徵君理學程朱匹夏峯傳絕業彭戴皆
入室先生與之游辨析義無窒如滌去疇疇百川
彙為一慎獨裕其本力行蹈其實關閩濂洛宗揭
若中天日發而為文辭喬皇富綳帙貫穿經史腴
綜核百家籍春王正月辨千古垂不易伊昔筮仕
初承明常入直綴輯前代史風霜董狐筆

上御乾清門宣召進著述拜手凜靖共對揚惟休
惕詩文十餘章爰達 黼座側從容沾寵渥都俞
動顏色

帝曰斌也才無忝良史職球貝儼高懸鯤鵬競摩
擊 特簡涖武林掄文嚴甲乙珉玉期必剖殿最
無少失轉盼撫我蘇難勤勵軫恤首陳逋賦疏嬰
鱗等藥石痛念民瘡瘼何以登衽席吳俗素澆漓
綺靡流蕩佚先生能澡刷不賤蔬藪食以身率下
僚私謁胥盡黜苗媿而髮櫛科條慎三尺士敦仁
讓風家務淳朴質囊封毀淫祠鬼神亦戰慄梁公

觀詩

六

欣再觀文襄驚復出唐虞三代理由茲可漸格肅
謁先祖像正氣凝松柏清節與直道大字銀鈎畫
先忠介祠先生有清節直道四字題額 涖吳方二載峻除遽敦迫鰥嫠

為泣下父老滋歎息鞠躬輔 儲君夙夜殫匡弼
旻天胡不弔溘焉就窀穸嗚呼房杜姿遠溯孔孟
朕賢豪不復作悄愴何時釋

恭謁 湯潛菴先生祠并讀遺藁二首

吳門後學周用錫 晉蕃

一代儀刑在千秋俎豆光危微宗聖學廉潔肅官
方毀廟神靈震原字不傳神崇儒雅化彰涖吳纔二載回首倍

堪傷

道為東宮重恩留南土均一生空有作天下更無人經史存遺論詩篇絕後塵茂陵應詔取憑

仗戴彭身

先生高弟王似齋先生編集遺稿付梓

詞

睢州先生祠二首

吳郡後學范儀虞

皆我

漠漠天心不可推斯文既喪世同哀反淳已是乖前志抱道何堪向夜臺造父御車遺輔軌易牙烹鼎廢鹽梅懸知英爽宜如在雪涕靈祠奠一杯我公奚待爵為榮道學真傳朱與程籌國不知成

輓詩

七

白髮出山原是為蒼生咸思笑見羲皇世誰料悲聽薤露聲白日作心人盡識那須插竹驗精誠

讀

睢州先生遺書有作

聞輯遺書意已欣開編便覺氣氤氳匡時盡是從心學載道真為有用文白玉皎然初剖璞碧天湛若乍披雲聖賢心印傳毫素後代津梁翊典墳

恭輓

大司空睢州夫子二十韻

蔣桂馨

古道誰能復斯文今則無謳歌聯八郡慟哭震三吳平政真如水回奸不用缺澤流遐邇徧誠至鬼

神孚。風俗還淳樸。天心眷碩膚。北歸懷
帝德。南望喜民蘇。詹事

新恩降司空。衆議符方期。瞻相業。詎意喪鴻儒。疇
昔存坊表。諸生學步趨。論文晨已入。講道日將逋。
點也聞長歎。參乎辱一呼。窮居甘蠖屈。侍坐拔泥
途。三載留棠蔭。扁舟指上都。金山揮涕淚。銀管

發現瑜

先慈守節蒙於舟中
手書柏舟遺範扁額

絨笥光家乘。銘心泣藐

孤貞操。蒙獎擢大業。竟須臾。聽鼓心猶切。升堂夢
不殊。神傷憐父老。腸結况吾徒。道德丘山重。聲名
日月俱。祠堂依學舍。公專祠在
郡學中每拜輒嗟吁。

輓詩

戊寅春過睢州謁

司空湯公祠

嘉定後學張大受

日容

過宋頻登夫子堂。遺經猶訪鄭公鄉。曾遊朗月清
風裏。蚤歎浮雲白日傍。衆母至今歌子產。伏龍疇
昔起南陽。音容似昨人。千里羸得吳民淚。滿眶
斯文天遣付秦灰。一老驚嗟泰嶽頽。桓傳幾聞加
几杖。傅巖虛望作鹽梅。青蠅樊棘終俱滅。丹鳳梧
桐斷不來。郵待祀官田主祭。可憐後死困蒿萊。

庚辰夏再謁司空公祠

氣與星辰迥。功仍竹帛宏。重升家廟拜。再展部民

情衆水須宗海浮雲不蔽明何時降綸綍典禮備
哀榮

清白遺孫子風流溯古初頻蒙置尊酒都喜說經

書

日與公子彦
深雅平譚經

濟濟昔賢第悠悠歸客車相邀到

南國碑拭淚流餘

過睢州恭謁 大司空湯夫子祠

門人周 南山臺

先祠數過志褒忠竊愧微才備採風寸進敢忘良
樂顧超遷咸望傳伊功大賢難免羣邪嫉正學從
來舉世攻路出睢州拜遺像回思曩事慨何窮

輓詩

謁府學 湯公祠 長洲後學徐 遵

虎丘片石才百畝無有一吏無生祠本朝六十一
甲子廢祠瓦礫盈階遠先聖宮牆不易登到今
舍宅范公稱後先輝映章與胡三祠奕奕何峻嶒
神京卿相集如雲河南湯公寂不聞一朝撫吳承
大受士民見公如見母剔除積弊不終朝孔席未
暖還朝右魑魅狐狸白晝行騎箕天上淚橫肘士
民思公恒嗟吁新祠鼎立同韋胡吁嗟乎虎丘淫
祠等螢火我公千秋俎豆無時無

巡撫湯公遺愛在吳建坊胥江之上吳邑王侯

實為相度經始於其落成也徐生喜而歌之
昔有高士為梁鴻賃春廡下來吳中伯通識之在
傭保死傷要離名不同子胥拭目胥江上蓋世雄
謀自無兩湯公遺愛樹此坊剛節孤忠永相傍

恭謁 睢州湯大中丞祠

琴川後學嚴肇元尊始

帝簡金符節制雄心如水 聖恩崇淫祠既去
還醇俗古廟斯新煥學宮晨夕弦歌盈里閉歲時
講約走兒童東南難解征輸力拜手甘棠挹惠風

謁府學 湯公祠 長洲後學吳昌求

乾詩

十

中丞德望許誰倫事業文章獨老成南國盡傳周
召伯經筵常憶漢匡衡去留有道存高節洛蜀何
人擅盛名祠廟遺編俱不朽千秋感慨淚縱橫

縣侯王父母刊 前撫湯尚書遺稿成喜賦

長洲後學沈三復

大儒去後俗仍頑賢牧臨吳雨露還淑化漸看符
舊蹟全書更喜出名山言詞不越倫常外氣象如
遊洙泗間戶置一編同面誨流傳師說賴曾顏

謁 湯大中丞祠 東吳里耆范 炎鷺公

真儒民信易直道史編遲暮月能成化千炷可作

師石廉遺愛戴棠蔭動悲思再拜爭流涕紛紛說
違峯

睢陽湯大中丞輓詩二首

雲間後學范旦勳

書常

河嶽鍾靈間氣生薪傳濂洛入承明學先主敬專
涵養政絕浮華返樸誠減賦不嫌呼籲切焚祠能
使鬼神驚羊公遺愛三吳在墮淚遙同峴首情

玉局頻勞鉛槧空

講筵啟沃侍

璿宮聲華刊

盡無枝葉心性叅來辨異同入奏讜言知愛國出
持使節徧春風龍文百斛扶名教讀罷方知我道

輓詩

十一

東

謁

湯大中丞祠

長洲倪

燁彤文

滄浪亭子畔宣聖學宮傍巍巍高祠在遺容瞻此
堂念昔下車初吳會奢華場士女逐飲食子弟飾
衣裳世俗多澆薄嗟嗟倫紀亡公時倡鄉約始得
扶三綱更見楞伽下画船晝夜茫一疏奏 朝廷
精忠達 帝芻 天子曰都兪神鬼勿猖狂非公
回天力安能靖一方釐奸與剔弊匪類皆伏藏兩
年感道德莠亦化為良一日 九重召 鳳闕自
飛翔經濟展懷抱蒼生遙相望孰知天難謀人事

更靡常脩文倏忽去棟折椽崩傷微風流千古名
同日月長俎豆永不朽奕奕垂無疆

恭輓

湯大司空

長洲後學注鶴鳴臯聞

兩年節鉞鎮三吳竹帛留芳近代無崇政不辭勤
秉鐸闢邪何惜學投巫去官琴鶴同清獻名世文
章駕大蘇最是民情關切處嘉謨入告勸蠲租

謁

湯大中丞祠

吳門許

璣漢儀

國家養賢重君子抵柱狂瀾維網紀篤生中丞不
世才韜韞太平存大體直聲勁節古所嘉文武作
憲光邦家下鍾河嶽之秀氣上含日月之光華建

輓詩

十三

旄開府東南域廉頑立懦懲惡慝祥刑敬獄毀淫
祠頓化薄俗敦實德嘉謨嘉猷動帝廷詔書
一夕下青冥入侍禁近握樞密至今父老思棠陰
吁嗟天道不可測泰山頽兮哲人沒脩文已赴召
玉樓丹誠猶自懸金闕巍巍祠宇傍宮牆臯夔勲
業輝穹蒼豈無椽筆留信史能令姓字千秋香

謁

湯大中丞祠

蘇州倪山堂

紀鄰

我公去吳後越廿載於茲恨余生也晚弗及一見
之為到學宮側再拜瞻高祠父老為余言公眞王
者師泣吳不二載頓教風俗移申明鄉約禁諄諄

困倦弛說孝與說弟天性遂勿漓更能隆學校弦
歌三代遺吳儂大堤上出遊多女兒焚香諸佛殿
清明寒食時画船芳草渡笙歌春日遲總之僧尼
輩倚佛為其資古寺暨名山識者空歎噫公欲革
弊俗一封 聖明知鬼神咸服教咄咄尤稱奇卓
然曠達見謂非公而誰斯豈矯人情於以復民彝
政成閭閻化曷曾煩杖笞可知民唯草上唯風之
吹迄今已云久還足動人思賢哉吳邑侯建坊勝
立碑如見其政蹟彰彰日月垂余聽父老言深信
不我欺願效甘棠頌聊歌下里詞

輓詩

十一

恭謁

睢陽湯潛菴先生祠五古一章

錢塘後學柴世堂

陞升

輓近尚浮文仕宦崇虛譽山巔水涯間所在盛祠
宇羊公墮淚碑最難勝數我嘗三歎息此義殊
非古所以過其間項強不一俯緊惟湯先生聖學
統鄒魯發潛與闡幽萬變而千舉憶余當弱齡謁
公典籍府道貌更巍峩言論更和煦手錄先子書
謂欲昭來許公嘗手錄先君家誠一書謂其門人沈昭嗣
曰此匪柴氏一家言凡在後學皆當奉為金
鑑余至今誌之體全用乃宏道隆功益溥開府三吳間莫
不藉霖雨去今二十年歌誦猶栩栩愈久不能忘

崇祠祀林塢丹楹間虹梁綺牕映朱戶東風扇桃花報享薦春醕豈少生則榮沒則棄如土荒祠不再傳蔓草平烟蕪何似睢陽公公尸永燕處茲余謁堂皇恭鞞步階序遠峯列層城明河橫遠浦山高而水長矯首緬遺緒哲人難可追日暮尚延佇

讀

睢州先生遺文誌慨

韓金範

不宗洙泗總旁門公獨尋源絕等倫緯地經天儒者學涵今茹古聖人言昧鄉得日昏蒙破冰谷逢春氣象溫若使秉鈞酬所願普天澆俗盡還淳

恭謁

湯大中丞祠下里詞四章

輓詩

十四

菰蘆後學范

振筠廬

稽首階前意最親瞻公遺像假中真真真假假知何處不在存生在立身

公亡已閱數千支其奈民心久愈思今日一時公再活人人拍手又漣漣

革薄還醇漸返初狂瀾隻手障江湖至今俎豆雖如在安得公生再撫吳

公去當年未建祠人人心上有公祠而今反懼公生慍滿路皆祠我亦祠

恭頌

湯大中丞

松陵後學黃

晟

祖望

先生底蘊甚深醇治術端由學業真惟事躬行爲
表率遂移躡俗沛然新儒風不愧江都茂遺愛何
慚召伯巡可惜吳民福分薄一年未久失仁人
撫吳一載民風新平易近人人自親思昔去時盡
下淚目今迴念暗傷神禮賢下士由情懷講法明
倫善教申倘若文襄歷任久返樸還醇古道振

撫憲湯公枉拜先忠介公祠述德陳情賦謝

共成五百字

沐恩門人周廷煌

明星

一統承恩遍三吳惠澤偏世風誠皞皞王道正平
平遴選無中貴推陞有十銓公承

輓詩

十五

聖眷矣郡涖我吳焉未至蜚聲遠來臨德政傳明
倫親學校察吏正常員淫祀心都恨先賢意獨專
功欽泰伯德學重子游賢節義相題拂忠貞願寫
宣市屢吠犬少薄俗飲羊蠲金玉無瑕疵脂膏豈
橐饘詐真清狀別虛實譽冰堅熟橋還應直生魚
受却縣不然官燭儉虛袖秋金權身秉成廉性脣
乾飲盜泉折轅塵迫路飲馬水投錢肺石懲奸宄
蒲鞭示過愆四知猶可畏三惑已多湔竹帛垂名
史銘勲鑄器鐫錫龜榮九命啣雀兆三鱣德化行
南國弦歌達北燕報功優德 詔益俸養廉田近

悅咸啣結遐歸願受厘有心偏倒劇無路可蚤綠
豈意先公廟鍾情肯惠然登車殷輻輳上馬若鳴
翩儀從瞻雲集旌旗拂日鮮驚聞州郡縣駭目屬
官聯躬俯施深禮心莊豈貌虔依依瞻壁立戀戀
撫几筵義氣悲鸚鵡忠魂慰杜鵑題顏看黯淡椽
桷歎崩騫世態爭羶蟻人情坐破韞貧窮堪拙守
富貴盡勞牽故友零零落寒門漠漠烟拊膺腸肚
裂俯首涕洟漣白面書生儒青羶夜盜全淒涼舊
雨歎形影竹窻眠句讀生徒學丹鉛蛾子研啣鬚
徒抱痛啞血向誰憐有志攀龍遇無才附鳳緣雞

輓詩

十六

碑羞蔡智鼠獄愧湯年馬齒將成壯麟經尚勉旃
愁無指劍日恨有戴盆天獻賦蓬萊遠穿楊膂力
餘窮年身矻矻矮屋草芊芊慷慨看梁棟沉吟數
瓦椽白駒光景促清夜夢魂顛喜遇公垂盼欣從
願執鞭大恩還引領小子拔重淵

又謁

湯大中丞祠

昔憶兒童竹馬迎今瞻廟貌寸心傾纔臨十郡聲
無價未滿三年治有成學道愛人君子澤畏威易
俗小民情千秋泮辟同為奠感激情深涕泗橫

又

湯大中丞遺藁間已鐫板賦此志感

廿年回首歎秋風擬向遺編得覩公畿甸勤民憂
赤子艱難報主輔青宮鳳皇未必飢思實騏驥還
從馭者雄今日書成應獻納舜衣垂處效奇功

追輓 大司空湯潛菴先生

後學楊繼光 宣仲

河南道脈自來深曾爲蒼生望作霖天上九關餘
血碧吳中千祀惜棠陰春風遍灑西州泪秋實應
傷北渚心不是平生崇道力狂瀾寧得整危襟

大司空睢陽湯公輓詩

臯里後學楊繩武 文叔

輓詩

二十七

長孺厄湯弘恭顯死望之剛憤坐折辱戇直蒙讒
譏忠佞不並立讀史當鑒茲嗚呼睢陽公名與蕭
汲齊正色位師保羽翼生光輝誓將平生學仰酬
綺皓知儉側更相構抱道生危疑果然殺賢傳千
載同啣悲憶公昔秉鉞惠此東南陞東南民力孱
賴公得撫綏風俗返淳朴教化起衰微公至得所
庇公去何所依父老擁馬首願公行遲遲生留益
州像死畱朱邑祠至今道公字如聞墮淚碑新來
有仙令舊日叨傳衣爲公誌遺愛樹表胥江湄胥
江潮汐湧彷彿公來歸嗚呼公之神靈無不之上

為列宿身騎箕下應川嶽作雲雨覆被吳民億萬
斯

讀 湯大中丞遺文即事

吳門後學顧

錦 仲文

攀轅心未遂景仰意仍懸位育功能至鳶魚理自
全真儒雖沒世大道在遺編展卷如親炙書紳為
慕賢

湯大中丞牌坊落成感賦

賈生富經濟董子究天人我公兼二妙到處庇斯
民教養脩王政栽培盡席珍巍坊同峴首對此一

輓詩

丈

沾巾

恭謁

湯大中丞祠兼頌建坊二十四韻

長洲後學周廷耀

明揚

正氣凌霄漢芳型著簡編哲人其萎矣吾道尚昭
然不任封疆重安知儒術全詔從金馬下節擁大
江偏開府門羅戟中台位列躔驅邪神鬼泣約法
吏人駢 扈蹕麾旄鉞回宮奏讜言旂常功德銘
甲乙鑄書宣俗尚還淳朴情深解倒懸此心圖報
國遑日賦歸田甄別三千士蒐羅什伯賢乘船訪
有道御李歎神仙只欠三年久還期數世延

聖明深器重廷議會鷺遷詎料遭時詬難邀當路
權匪躬心曲折盡職事迤邐直道行三代愚民戴
二天僉謀成綽楔不日上鏤鐫夫子牆高峻門人
禮益專丹楹依泮水遺像想流川景行於今烈清
風振古傳冠裳同肅穆文物自踳躓沐浴網常化
謳歌雅頌篇春秋瞻俎豆不愧是瑚璉

丁卯十月十一日睢州湯夫子卒聞訃痛悼
爰誌輓辭四十言以述知遇之感

長洲博士弟子員高儕鶴

嗟嗟哲人萎吾道何以傳蒼昊不可問泰山其忽

輓詩

十九

顛生俱失怙恃夢亦墮迤邐回憶撫循日如遊皇
古年愚頑情共勸飛躍化無邊物力皆呈象鈞陶
幸有緣相忘節鉞地惟見福星躔私擬蓬蒿質時
隨子弟肩操觚勤跪問秉禮若臨淵月旦蒙優獎
瞻依近法筵離階目送後頻喚子來前俗慮終身
累春風學士天每聞三省愧嘗歎一瓢賢嗣此攀
車罷猶思叩闕還大江畱片語長揖盼回船永計
民瘼切那堪墓草芊老人投杖泣窮海望空憐至
德真難匹斯文誰補偏達焉名世貴沒矣口碑鮮
俎豆千秋在濡毫倍潛然

再輓 睢州夫子

陶成真夢感大化盡忘形日後思靈雨生前見福星有碑恆墮淚無草不留青江左祠堂在千秋奉典型

賢宰登祠日同人推似師一官方下拜萬姓共追思碑字江心照仁聲童子知相沿二十載誰不動悲辭

與書 湯公全集有感

古吳後學范君植 稼菴

未盡孤忠答 至尊山頽木壞不堪論峴山洒淚

輓詩

三

因懷德澤國含悽為感恩自有遺權能作範何須歌些夏招魂文章豈待他年重蚤布人寰當格言

建坊啟

梁鳳翔

蓋聞表墓式廬。聖朝之盛典。稱功播德。里巷之
殷情。指官道之槐。懷人出涕。過長安之塚。下馬
興嗟。矧夫泛舟航於震澤。無非拯濟之恩。覩桃
李於虎丘。盡屬栽培之德。豈徒一時眷戀。暫爾
謳歌。將使百世觀瞻。永垂天壤。恭惟前大中丞
湯公。祥開天鳳。瑞啟人龍。數科名則玉鑿金馬。
讓先談鉛槧。而繡虎雕龍。却武膏流七郡。百萬
頃禾黍桑麻。悉歸灌注。仁覆三吳。億兆家樓臺

附錄建坊啟

烟火。盡荷旃幃。叱詫而神鬼咸驚。治由正氣。懷
柔而吏民共惕。不用刑威。勞心未滿三年。兩袖
清風。已徧藪簷茅屋。去國已將廿載。一輪明月。
常懸皓魄丹心。迄今大雅云亡。先型不再。嗟茲
黃童白叟。願結草以無從。凄然綠水青山。縱銜
環而莫報。此衆情之所以不能已。而建坊之所
以有自來也。鳳翔緬懷耿介。追慕仁風。隻手以
擎天。威稜如在。埋輪而入地。勁節猶存。雖下吏
未承德訓。而為模為楷。恪有可遵。在斯民親沐
恩膏。則為雨為霖。難容忘報。欲垂永久。端賴題

標觀彼廟貌巍哉已立樂公之社於今民心鼓舞再成叔子之碑俾翹首而觀音容如在即俯躬而過覆幬依然業蒙各憲之允行自應鳩工而速舉然而千鈞之鼎獨力難擎還須布地之金同寅共助蓋為山由乎一簣漸至崧隆而巨海積於細流亦資涓滴願勦斯舉若庶民之子來快觀樂成等靈臺於不日謹啟

陳治策

蓋聞哀功錄德盛典著於朝章咏澤懷仁彝好存乎國俗還珠渡虎千秋政績猶新飲水懸魚

附錄 建坊啟

二

百代風規未泯因藉史書而流播亦資金石以表揚欲壯觀瞻須闕建樹蹟期不朽人以永存恭惟前大中丞湯公名世真儒格天良弼潛脩樸學蚤年領袖清班勁節清風中歲羽儀方面再起在論思之地特簡為柱石之臣撫治南邦還大化於隆古保釐江甸飲斯人以太和而怒而威積弊叢奸自革不言而信窮簷薄海交孚惟正已而正人風移俗易以實心行實政義洽仁漸臨蒞未及三年人人愛戴陞遷已逾十載戶戶歌思治策聞聲在弱冠之年久欽風範作

吏值建牙之地私淑休光為楷作模雖未親承
馨咳謁祠拜像有如肅對儀型近披士子之呈
粵有建坊之舉通衢高闕俾行人翹首瞻依綠
字丹書令百世聞風興起洵屬不刊之盛事業
蒙各憲之允行惟是鳩工伐石措費維艱所以
陳牘掣鈴孚號請助俯慚未吏挹勺水以添流
仰賴同寅哀衆沙而成阜式表懷賢之公好勿
虛戴德之輿忱謹啟

王廷燦

竊惟兩間三不朽道莫大於立德立功五內萬

附錄 建坊啟

三

難忘誼最切於生我成我以故懷仁慕義每興
百世之歌思旌伐銘勲恒著歷朝之優典棠陰
江漢召公之膏雨常留碑樹荆襄叔子之流風
勿替何況

興朝柱石公忠卓冠乎臣鄰當世楷模德澤遐孚
於士庶縱使史編揚扈衆耳皆聞孰與道左標
題舉目共見如我大司空湯老夫子道原洙泗
學貫天人案積囊螢時徹性命精微之百文成
倚馬弗尚風雲月露之詞綺歲彈冠還嘗藿食
華年釋褐只事芸編忠孝得之性生經綸裕於

夙抱入則莪蒿負痛臯魚泣不成聲出則冰蘖
堅操伯起清堪自喻勲階屢擢服官騰惠愛之
聲跋歷頻經率屬擅清剛之譽平民受刃取張
朔於柱中降賊操戈戮盧循於海畔至若才量
王尺三吳婦歐冶鑪錘鑑秉冰壺兩浙盈狄門
桃李懸鮒有甌克捐閭左官緝養鶴無糧不食
公家羨粒平反直追于杜貫索春沉鈎距不學
趙韓桁楊晝息而且妖祠燭衆逢艱令而冰清
墨吏營私遇袁安而焰冷嗣有

九重之寵命遂虛萬姓之攀留乃進益盡忠諤

附錄 建坊啟

四

百僚之上退思補過循循三事之中慷慨登朝
要在置身伊呂之列憂勞盡職總以致君堯禹
為心跡其康濟民物綏又家邦生前碩德既已
泱髓而淪肌歿後深恩忍聽山頽而木萎 廷燦
以豐餘朽質既見材於推轂之年機上殘絲復
學製於建牙之地感知彌切圖報宜先屬有建
坊之請敢辭負土之勞但事易樂成功難慮始
欲美觀於大壯藉勗力於同人甌卽生塵寧吝
淵明五斗山還資簣祈開公瑾雙困謹啟

